



IOannes ex illustri familia baronum à Liechtenberg natus fuit. Hunc parentes bonis literis addixerunt, atque doctissimis præceptoribus (ut eo tempore licebat) commendarunt. Itaque factum ut in uirum eruditum abierit. Coniunxerat etiam præclaræ doctrinæ pietatem & uitæ innocentiam. Itaque factum cum Bertholdus præsul Argentiniensis mortuus esset, ut ipse in locum eius omnium consensu substitueretur, anno millesimo trecentesimo quinquagesimo tertio. Huius tempore Angli bellicosum genus hominum Alsatiam inuaserant, atque ferro & igne omnia populabantur, anno millesimo trecentesimo quinquagesimo octa-

uo. Itaque ipsis pro sua uirili restitit, & miseræ plebeculæ succurrit. Postea uerò à Iohanne inferioris Alsatia ultimo Landgrauio, ditionem emit, atque suo Episcopatu adiunxit. Itaque cum Ioannes eius tempore moreretur, eam ditionem accepit, atque sese Alsatia Landgrauium appellauit.